

Ley a wordo aproba



Parlamento a aproba Ley di CITGO y Valero

ORANJESTAD - Den un ambiente tumultuoso parlamento a continua ayera cu tratamento di e ley en cuanto e refinaria.

Presidente di parlamento a muestra cu e no por domina e sala, cu specialmente ora oposicion tabata na palabra, tabata haci un desorden di otro mundo sin cu e presidente tabata expresa un debil "si boso no coopera, mi mester schors e reunion".

Locual no tabata haci naturalmente ningun impresion y tabata parce manera ta manda el a manda nan. Naturalmente e no por menasa cu desocupa e tribuna, pasobra ta su mes hendenan tabata molestia e oradornan di oposicion.

Un berguensa total pa un parlamento, pero ta parce cu nos mester custumbra cu e cosnan aki.

Un gran parti di e dia a bay na discursonan elocuente pero

predecibel di Prome Ministro y ministro encarga cu energia. Un biento fresco tabata e ministro encarga cu Salubridad Publico, cu a limita su mes na contesta e preguntanan haci y mantenendo respet na tur momento. Un prueba cu bo no mester ta haci bo-



chinha pa bo impresiona. Chapeau!

Di parti di oposicion tabatin hopi repeticion di pregunta y realmente no a haci bon uzo di e tempo disponibel pa haya

sa mas detaye. Preocupacion, mescos cu e dia anterior tabata concerni e garantianan, e trahadonan cu mester bin di exterior y e posicion di e trahadonan local. Tambe e preocupacion pa medio ambiente, specialmente pasobra manera gobierno a admiti, legislacion



testa contundente riba esaki. Den e votacion final tabatin un solo voto contra, di Mari-sol Tromp, cu a keda para firme riba su punto di bista cu

Aruba y San Nicolas merece un otro futuro mas sostenibel. E fraccionnan completo di AVP, MEP y PDR a vota na favor di e ley. □

